

## OKVIRNI SPORAZUM

### LOT 2 Nabavka usluga autobusnog prevoza za potrebe terenske nastave

#### I SPORAZUMNE STRANE

##### Arhitektonski fakultet u Sarajevu

Sjedište: Patriotske lige 30, 71000 Sarajevo  
Kojeg zastupa dekan prof.mr. Mevludin Zečević  
Identifikacijski broj: 4200192800009  
(u daljem tekstu: Naručilac)

i

##### Centrotrans eurolines dd Sarajevo

Sjedište: Kurta Schorka 14, Sarajevo  
Kojeg zastupa mr.sc. Safudin Čengić  
Identifikacijski broj: 4200153220003  
Identifikacijski broj obveznika PDV-a: 200153220003  
Transakcijski broj banke, ime i sjedište banke: 3383202251241969 Unicredit banka, Sarajevo  
(u daljem tekstu: Izvršilac)

#### II PREDMET SPORAZUMA

##### Član 1.

Predmet ovog ugovora je pružanje usluga autobusnog prevoza za potrebe terenske nastave prema TD Naručioaca i Ponudi Izvršioca br.1/03287-A/18 od 09.05.2018. godine, koji su u prilogu ovog ugovora i čine njegov sastavni dio.

##### Član 2.

Za koordinaciju operativnih aktivnosti na realizaciji ovog sporazuma, na način i u ugovorenim rokovima, imenuju se:

- za Izvršioca: Čengić Mevludin,
- za Naručioaca: Nermina Crnčalo.

#### III CIJENA I NAČIN PLAĆANJA

##### Član 3.

(1) Okvirni sporazum se zaključuje sa ukupnom procijenjenom vrijednosti u iznosu do 5.900,00 KM (slovima: pethiljadadevetstotina i 00/100 konvertibilnihmaraka) bez uključenog PDV-a, odnosno do 6.903,00 KM (slovima: šesthiljadadevetstotinatiri i 00/100 konvertibilnihmaraka) sa uključenim PDV-om.

(2) Usluge iz člana 1. ovog sporazuma će se plaćati prema utvrđenim pojedinačnim cijenama iz Ponude Izvršioca broj: 1/03287-A/18 od 09.05.2018. godine, koje se neće mijenjati tokom trajanja sporazumnog perioda.

##### Član 4.

(1) Naručilac će izvršiti plaćanje fakture, najkasnije 15 dana nakon prijema fakture Izvršioca.

(2) Izvršilac će fakture ispostavljati po izvršenju pojedinačnih usluga.

#### **IV OBAVEZE IZVRŠIOCA**

##### **Član 5.**

(1) Izvršilac se obavezuje:

- da će Naručioca svrstati u „prioritet” prilikom pružanja usluga iz člana 1. ovog sporazuma;
- na zahtjev Naručioca obezbjedi klimatiziran autobaus ili minibus sa kapacitetom sjedišta do 85 sjedišta, ne stariji od 5 godina visoke turističke klase;
- osigurati uslugu organiziranja putovanja za potrebe Naručioca, a Naručilac se obavezuje najkasnije pet dana prije početka putovanja obavijestiti Izvršioca o ukazanoj potrebi korištenja usluga;
- obezbjediti polise osiguranja za putnike po potrebi tokom trajanja ugovora.

(2) Ukoliko Izvršilac u odgovarajućem roku i na ugovoren način ne bude izvršio ugovorenu uslugu, dužan je za svaki propust i/ili započeti dan kašnjenja isplatiti Naručiocu iznos od 20,00 KM od ukupno ugovorenog iznosa, a najviše do 10% od ukupno ugovorenog iznosa.

#### **V STUPANJE NA SNAGU I RJEŠAVANJE SPOROVA**

##### **Član 6.**

(1) Ovaj sporazum stupa na snagu danom obostranog potpisivanja od strane ovlaštenih lica sporazumnih strana, a zaključuje se na period od 12 mjeseci, odnosno, u okviru vrijednosti navedene ovim sporazumom.

(2) Ukoliko Izvršilac ne bude u roku i na ugovoren način izvršio sve ugovorene obaveze, dužan je za svaki propust i/ili svaki započeti dan kašnjenja u izvršenju ugovora isplatiti Naručiocu iznos od 50,00 KM, a najviše do 10% od ukupno ugovorenog iznosa.

##### **Član 7.**

U ugovornom periodu, sporazumne strane imaju pravo da za predmet sporazuma opisan u članu 1. ovog okvirnog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama Bosne i Hercegovine, u pogledu svakog od ugovora koji su zaključeni po osnovu ovog okvirnog sporazuma.

##### **Član 8.**

Svaka od sporazumnih strana može pokrenuti postupak raskida sporazuma ako druga strana ne izvršava preuzete utvrđene obaveze, uz otkazni rok od 15 dana.

##### **Član 9.**

Eventualno nastale sporove pri realizaciji ovog ugovora ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

#### **VI OSTALE ODREDBE**

##### **Član 10.**

Izvršilac nema pravo da zapošljava, u svrhu izvršenja ovog sporazuma, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

##### **Član 11.**


Za sve što nije regulisano ovim ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.

##### **Član 12.**

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 13.  
Ovaj sporazum je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

Za Izvršioca


  
\_\_\_\_\_  
mr.sc. Safudin Čengić, direktor

Datum: 22.05. 2018. godine

Broj: 1/342/18



Za Naručioca

  
\_\_\_\_\_  
prof.mr Mevludin Zečević, dekan  
Arhitektonskog fakulteta u Sarajevu

Datum: 17.05. 2018. godine

Broj: 05-30/76-18

